



- O pasadoble é coma a muiñeira.

VI 168b

Esta vai por despedida
esta vai por derradeira.
Esta vai por despedida
esta vai por derradeira
acabei o chocolate
rompín a chocolateira.

Por debaixo da ponte
víronte pasar
as pernas María
viñas de lavar
viñas de lavar
a cara tamén
por debaixo da ponte
da vía do tren.

Santo que estás no canizo
bota castañas abaixo.
Santo que estás no canizo
bota castañas abaixo
aunque non teño mandil -e
recóllochas no refaixo.

Xa non é dela
xa non é dela
que llo levou o ghaiteiro
de Redondela
de Redondela
de Redondela
xa non é dela, morena
xa non é dela.

Carmela lighou con Pinto
na carballeira de abaixo
porque lle quitou un toxo
que levaba no refaixo.

Árdelle o eixo,
árdelle o carro
árdelle o eixo,
hai que mollalo
hai que mollalo,
hai que mollalo
árdelle o eixo,
árdelle o carro.



Miña nai cando me berra
peta co pé no sobrado
dime que non quere xenro
dime que non quere xenro
eu xa llo teño buscado.

Para sardiñas Bueu,
para choco Redondela.

Para sardiñas Bueu,
para choco Redondela
para rapaciñas bonitas
para rapaciñas bonitas
as nenas da miña terra.

- Desprende, Manuela. Desprende máis voz.
- Como dixeches? Bueu? É un sitio aquí?
- Si, á beira do mar.

E ti telo, telo
e no queres dar
e ti telo, telo
e non queres dar
cando sexas vella
halo de salar.
Halo de salar
Halo de salar
E ti telo, telo
e no queres dar.

“Maruxiña dáme un bico
heiche de dar un pataco.
Maruxiña dáme un bico
heiche de dar un pataco.”

“Non quero bicos dos homes
que me cheiran ao tabaco.”

- Todas son conocidas.